

ÁKVÖRÐUN SAMEIGINLEGU EES-NEFNDARINNAR
nr. 89/2007

frá 6. júlí 2007

um breytingu á XIII. viðauka (Flutningastarfsemi) við EES-samninginn

SAMEIGINLEGA EES-NEFNDIN HEFUR TEKIÐ NEÐANGREINDA ÁKVÖRÐUN

með hliðsjón af samningnum um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist hér á eftir „samningurinn“, einkum 98. gr.,

og að teknu tilliti til eftirfarandi:

- 1) XIII. viðauka við samninginn var breytt með ákvörðun sameiginlegu EES-nefndarinnar nr. 54/2007 frá 8. júní 2007 ⁽¹⁾.
- 2) Fella ber inn í samninginn tilskipun Evrópuþingsins og ráðsins 2006/87/EB frá 12. desember 2006 um tæknilegar kröfur vegna skipa á skipgengum vatnaleiðum og um niðurfellingu á tilskipun ráðsins 82/714/EBE ⁽²⁾.
- 3) Fella ber inn í samninginn tilskipun Evrópuþingsins og ráðsins 2006/137/EB frá 18. desember 2006 um breytingu á tilskipun 2006/87/EB um tæknilegar kröfur vegna skipa á skipgengum vatnaleiðum ⁽³⁾.
- 4) Samkvæmt tilskipun 2006/87/EB fellur úr gildi, hinn 30. desember 2008, tilskipun ráðsins 82/714/EBE ⁽⁴⁾, en sú gerð hefur verið felld inn í samninginn og ber því að fella hana úr samningnum frá 30. desember 2008 að telja.

ÁKVÖRÐUNIN ER SVOHLJÓÐANDI:

1. gr.

XIII. viðauki við samninginn breytist sem hér segir:

1. Eftirfarandi liður bætist við á eftir 47. lið (tilskipun ráðsins 82/714/EBE):
„47a. **32006 L 0087**: Tilskipun Evrópuþingsins og ráðsins 2006/87/EB frá 12. desember 2006 um tæknilegar kröfur vegna skipa á skipgengum vatnaleiðum og um niðurfellingu á tilskipun ráðsins 82/714/EBE (Stjtið. ESB L 389, 30.12.2006, bls. 1), eins og henni var breytt með:
– **32006 L 0087**: Tilskipun Evrópuþingsins og ráðsins 2006/137/EB frá 18. desember 2006 (Stjtið. ESB L 389, 30.12.2006, bls. 261).“
2. Texti 47. liðar (tilskipun ráðsins 82/714/EBE) falli brott frá 30. desember 2008 að telja.

⁽¹⁾ Stjtið. ESB L 266, 11.10.2007, bls. 14, og EES-viðbætur nr. 48, 11.10.2007, bls. 11.

⁽²⁾ Stjtið. ESB L 389, 30.12.2006, bls. 1.

⁽³⁾ Stjtið. ESB L 389, 30.12.2006, bls. 261.

⁽⁴⁾ Stjtið. EB L 301, 28.10.1982, bls. 1.

2. gr.

Íslenskur og norskur texti tilskipana 2006/87/EB og 2006/137/EB, sem verður birtur í *EES-viðbæti við Stjórnartíðindi Evrópusambandsins*, telst fullgiltur.

3. gr.

Ákvörðun þessi öðlast gildi hinn 7. júlí 2007 að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni (*).

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 6. júlí 2007.

Fyrir hönd sameiginlegu EES-nefndarinnar

Stefán Haukur Jóhannesson

formaður.

(*) **Engin** stjórnskipuleg skilyrði gefin til kynna.